

إفطار السيسي مع "الأسرة البسيطة" يفجر سخرية التواصل



الاثنين 26 سبتمبر 2016 06:09 م

كتب: - كتب : محمد عبدالعزيز

سخر نشطاء مواقع التواصل الاجتماعي من الصور التي تداولها إعلام الانقلاب لما أسماه "إفطار السيسي مع أسرة بسيطة"، حيث نشر إعلام الانقلاب لقطات لتناول عبد الفتاح السيسي الإفطار مع إحدى الأسر البسيطة -حسب زعمهم- بغيط العنب

وتعليقا على الصورة قال "علي خفاجي" : "دي أسرة بسيطه عادي جدا السيسي راح فاجأهم ويفطر معاهم لقالهم بيفطروا جبنة رومي وجبنة بيضه وزيتون اخضر وزيتون كالاماتا وشكشوكة وفول وطعمية بسمسم وحلاوة طحينية وبيض وخيار وقوطه وفلفل ومخلل وبتنجان وعيش مفقع وبيشربوا ميه معدنية "الصافي" بتاعت الجيش".

وأضاف "محمد السلكاوي" : ولا التراييرة الجديدة اللي حاطينها جنب باب الشقة والعمارة اللي شكل الايجار فيها بالشئ الفلاني".

وعلق "محمد صلاح" قائلا : ده الباب لوحده تكلفته 3000 جنيه .. أنهي أسرة بسيطة دي".

فيما قال "إسلام رمضان" : "معروف طبعا ان اي اسرة مصرية (فقيرة) بيفطروا :طبقين فول طبقين فلافل متفرقة سمسم طبقين جبنة بيضا نوعين طبق زيتون كالاماتا فاخر طبق جبنة رومي طبق حلاوة طبقين جبنة قديمة طبق باذنجان طبق سلطة خضار طبق جرجير طبق مخلل وطبعا طبعا السفارة المصرية المتواضعة لا تخلو من المياح المعدنية .. على كدة انا ممكن اعتبر اسرتنا تحت خط الفقر ب 80 دور مثلا".

فيما قال "محمد الصنهاوي" تعليقا على كلمة السيسي اليوم : "احنا اتعودنا إننا نقابل كل خطابات السيسي بالتريقة والسخرية لكراهيئتنا له، ومن قبل ما بيتكلم بنبقى مستنيين كلمته علشان نقلش عليها ونعمل عليها طن كوميكس ونروش، وبتنغاضي عن أي منطق فيها أو حاجة ممكن يكون لها دلالة رغم إننا لو سمعنا خطاباته وجواراته بشيء من الهدوء والتجرد النسبي وحاولنا ن فك خيوطها ونفهم اللي يقصده من وراها، برضه مش هنفهم أي حاجة عادي يعني".

شاهد أيضا : [قائد الانقلاب يشعن الاستيلاء على "الفكة" من أموال الشعب \(فيديو\)](#)